













hujus operis fundamenta convellemus; & totam fere Jan-  
senii doctrinam, Thomisticae Scholae principis repugnare  
demonstrabimus. Interim placet hic brevem tabellam ex-  
ponere, ex qua quinque propositiones ab Innocentio X.  
proscriptas, fuisse pariter a Divo Thoma tribus ante fa-  
culis damnatas, manifestum erit.

ARTICULUS X.

Quinque propositiones a Summo Pontifice Innocentio X. damnatae,  
juxta doctrinam D. Thomae.

Propositio I. Aliqua Dei praecepta hominibus justis, volentibus, & consentientibus, secundum praesentes quas habent vires, sunt impossibilia; deest quoque illis gratia, qua possibilia fiunt.

D. Thomas quest. 24. de verit. art. 14. ad 1. Illud quod praecipit Deus, non est impossibile homini ad servandum. Quodlibeto 2. artic. 6. Nullus tenetur ad hoc quod est supra vires suas, nisi per modum quo sit sibi possibile. In 2. distinct. 28. art. 3. in primo argumento sed contra, Hieronymus ait: Qui Deum dicit praecipere impossibilia, anathema sit. Et in secundo argumento: Deus non est magis crudelis quam homo: sed homini imputatur in crudelitatem, si obliget aliquem per praecipium, ad id quod implere non potest: Ergo hoc de Deo nullo modo est estimandum.

Propositio II. Interiori gratia in statu naturae lapsae nunquam resistitur.

D. Thomas prima ad Thessalonicenses capite 5. lect. 2. Aliquis dicitur exinguere spiritum in se, vel in alio, cum alius aliquid boni ex fervore spiritus sancti vult facere, vel etiam cum aliquis bonus motus in ipso surgit, et ipse im-  
pedit: Actorum 7. Vos semper spiritui sancto resististis. Quibus verbis aperte agnoscit S. Doctor, in statu naturae lapsae gratiam aliquam interiorem moventem, cui resistitur. Similiter aliis in locis admittit auxilium quo homo non utitur, & quod in vapum recipit: ait enim 2. ad Cor. cap. 6. lect. 1. Quicumque gratia recepta non utitur ad vitandum peccata & consequendam vitam eternam, hic gratiam Dei in vanum recipit. Et 1. 2. quest. 106. art. 2. ad 2. si quis post acceptam gratiam novi Testamenti peccaverit, majoris poena est dignus, tanquam majoribus beneficiis ingratus, & auxilio sibi dato non utens.

Propositio III. Ad merendum & demerendum in statu naturae lapsae, non requiritur in homine libertas a necessitate, sed solum libertas a coactione.

D. Thomas quest. 6. de malo, quae est de electione humana: Respondet dicendum, quod quidam posuerunt, quod voluntas hominis ex necessitate movetur ad aliquid eligendum, nec tamen ponebant quod voluntas cogretur: non enim omne necessarium est violentum, &c. Haec autem opinio est haeretica, vult enim rationem meriti et demeriti, in humanis actibus; non enim videtur esse meritum, vel demeritorium, quod aliquis sit ex necessitate agens, quod vitare non possit, quo nihil clarius & expressius dici potest.

Propositio IV. Semipelagiani admittere praesentem gratiam necessitatem ad singulos actus, etiam ad initium fidei; & in hoc erant haeretici, quod volent eam gratiam talem esse, cui peccator humana voluntas resistere vel obtemperare.

D. Thomas quodlibeto 1. art. 7. ad 2. Deus movet omnia secundum modum eorum, ideo divina merito a quibusdam participatur cum necessitate, a natura rationali cum libertate, propter hoc quod virtus rationalis se habet ad opposita: & ideo sic Deus movet motum humanum ad bonum, quod potest huic motui resistere.

Propositio V. Semipelagianum esse dicere, Christum pro omnibus omnino hominibus mortuum esse, aut sanguinem suum effuisse.

D. Thomas 1. ad Timoth. 2. lect. 1. Christus Jesus est mediator Dei & hominum, non quorundam, sed inter Deum & omnes homines, & hoc non esset, nisi vellet omnes salvare. Nam voluntas Dei circa hominum salutem, & voluntas Christi mortem suam offerentis, & per eam media ad salutem sufficientia omnibus preparantis, sunt parallelae, & sibi mutuo correspondent. Unde idem Sanctus Doctor super caput 1. ejusdem Epistolae, lect. 1. ait, quod per illam voluntatem Deus omnibus proposuit salutis praecepta, consilia, & remedia. Et 1. dist. 46. quest. 1. art. 1. Hujus voluntatis effectus, est ipse ordo in suam salutem, & promissio in finem, tam naturalis, quam gratuita. Et super cap. 12. Epistolae ad Hebraeos lect. 3. Deus vult omnes homines salvos fieri, & ideo gratiam nulli deest, sed omnibus, quantum in se est, se communicat. Similiter 3. contra Gent. cap. 159. Deus, quantum in se est, paratus est omnibus dare gratiam: vult enim omnes homines salvos fieri.

